



Westfälische Stadtrechte

Unna

Münster, 1930

- a) Graf Gerhard von der Mark bestellt Ludwig von Wickede zum Richter in Unna gegen eine Pfandsumme von 260 Gulden unter Vorbehalt der Wiedereinlösung.
-

[urn:nbn:de:hbz:466:1-70677](https://nbn-resolving.org/urn:nbn:de:hbz:466:1-70677)

Wy Gerart van Cleve, greve to der Marke, don kunt allen luden: also as wilne Thomas van Gezeke unde Katherina, syn elyke huysfrowe, umb heyl unde troist yrre unde yrre alderen selen eyn stucke erffs, genant die Ermbrechtinckhove⁷⁶, halff in de kerke to Unna unde de ander helffte in dat hospitael to Unna gegeven hebbent unde, als dan ouch her Albrecht Plater prester dat gut, geheysten dat Borneguet, to Ulferssen myt dem dyke to Broichusen unde vier koe grasen tot sent Annen altaer, gelegen in der kerken to Unna, gegeven hefft: also bekenne wy vur uns, unse erven und nak(omelingen), dat wij gode to loeve unde to eren unde, op dat de prester to Unna unde verwarer des hospitals unde dey rectoer sent Annen altaers vurs(creven) unsen hern got de vlyticher vor uns unde unse vorfaren to ewigen tijden bidden, unsen willen, consent unde volbart gegeven hebn unde geven overmitz desen brieff, also dat de vurgenanten prestere unde vorwarer hospitals unde altars vurs(creven) die vurgenante guede unde erve, wye dye vur benompt synt, erlichen unde ewelichen hebn, halden unde gebruken solen unde mogen in alre maiten, wye dat wilne Thomas unde Katherina vurs(creven) unde ouch de selve her Albrecht Plater uitgesat unde begert hebnt na inhalt der brieve unde instrumente dar over geg(even); beheltlich doch uns unsen erven unde nak(omelingen), greven van der Marke, an den vurs(creven) gueden unde erven unses deynstes unde pachten unde renthen sunder argelijst. Wer ouch sake, dat de vurgenante Ermbrechtinckhove off dat vurs(creven) Bornegut van uns graschafs van der Marke to lene gynghe, so soelen de vurs(creven) prestere off rectoer unss dar aff, as ducke sich geburde, eynen redelichen setten unde maken, dar off de leene to entfane, as geburlich is. Allet sunder argelijst; unde hebn dijs to getuge der warheit unse segel vor uns unse erven unde nak(omelingen) an desen brieff don hangen. In den jaren unses heren M^oCCCC^oXLV op unser leyven vrowen dach Annunciacionis.

50. — 1445—1593. Richterbestallungen.

a) 1445 November 25.

Graf Gerhard v. d. Mark bestellt Ludwig v. Wicfede zum Richter in Unna gegen eine Pfandsomme von 260 Gulden unter Vorbehalt der Wiedereinlösung.

Zwei gleichzeitige Abschriften im St. A. Düsseldorf: Reg. Mark. nr. 4 Bl. 48 (A) und 57 (B).

Wij Ger(art) van Cleve, gr(eve) thor Marcke, doin kunt ind bek(ennet) vur uns, unse erven ind nako(melinge)n, dat wij van

⁷⁶ Die Lage dieses Hofes ist nicht mehr festzustellen. Am 6. Juli 1362 hatte Graf Engelbert III. dem Kloster Fröndenberg eine Rente aus der Ermbertinchove geschenkt.

rechter kentlicher schult syn schuldich Lodewich van Wickede ind synen erven II^c ind LX guede sware overl(endische) r(insche) gulden, die hie uns guetlich uyt synre hant an eynre alingen summen overgelevert hefft. Dar umb wij dem selven Ludewich unsen richter to Unna gesatt ind gemaickt hebn, setten ind maicken yn unsen richter to Unna overmidz desen br(eif), unse gericht aldar to bewaren ind to besitten, as gewoentlich is, ind sall ydermanne ger(icht) ind recht laten wederfarn na gefundenyss der gerichtz luyde ind des gerichtz daeselffs, it en were, dat wy yem dar van anders wes bevellende wurden. Ind wij, unse erven ind nak(omelinge) suellen ind willen ouch dem selven Ludewich ind synen erven volgen ind gebruecken laten sulch pantgut^a, as uns in dem ampte van Unna gebueren, ind vart alle vorfaill, dat eyn richter vurs(creven) to Unna to hebn pleget, dat hebn, heven ind bueren, dwile ind so lange hie to Unna unse richter wesen sall, sunder mynronge ind affslage der vurs(creven) hoiffsummen II^c^b ind LX g(ulden), aen geverde. Dar up uns ouch der selve Lodewich huldinge ind eyde gedan hefft, as eyne richter dat van gerichtz wegen gebuert to doin. Ind wij, unse erven ind nak(omelinge) en suellen noch en willen den vurs(creven) Lodewich [ind] syne erven van dem vurs(creven) gerichte ampte nicht entsetten noch doin entsetten overmidz uns selve off eymant anders van unser wegen in eyncher wyss, wij en hebn yem dan yrst weder umb gerichtet sulche vurs(creven) II^c ind LX fl.^c, die wie yem ouch alltyt vorrichten ind dat vurs(creven) gerichtampt dar mit weder umb na uns loisen moigen, so wanner uns des gelustet, sunder arg(elist). Ind wij Ger(ard) van Cleve, gr(eve) thor Marcke, vurs(creven) hebn alle puncte vurs(creven) sementlich ind itlich bisunder vur uns, unse erven ind nak(omelinge) geloifft ind geloeven myt desem^d br(eife), dem vurs(creven) Lodewich van Wickede [ind]^e synen erven stede, vast ind unverbr(oicklich) to halden, sunder alle arg(elist), ind hebn des to getuge der warheit unse seg(el) vor uns, unse erven ind nak(omelinge) an desen br(eif) doin hangen. In den jarn unssers herren Miiij^cXLV^f up sent Katherinen dagh der hillger junffrou.

^a So B, bei A ist der Raum für ein Wort freigelassen. ^b So A, bei B steht nur „hundert“, wovon jedoch etwas Raum für „twe“ freigelassen ist. ^c So A, vurs. hundert gulden B. ^d „dem“ B. ^e fehlt A; unde B. ^f „dusent veyrhundert unde viif unde veyrtich“ B.